

eius adventu tenere, & ut facti forma gregis ex animo, ad mortem unā cum commissō sibi grege semper parati: moriantur morte justorum, & simul accipiant coronam vitæ.

Sed præsertim ad hos servos & clientes tuos, te amare, te à juventute exquirere desiderantes, & hoc opus in signum sui erga te amoris offerentes, misericordes oculos converte: memento hujus quod filius tuus in cruce pendens suggessit: ecce mater tua. Eja ergo Mater misericordiae; accipe nos in filios tuos, ut observantes vias tuas, & te in hoc exilio invenientes, inveniamus vitam in hora mortis, hauriamus post mortem salutem à Domino, & gustemus in celis dulcissimum & benedictum fructum ventris tui Jesum, ejusque misericordias in æternum cantemus. Hæc sunt vota nostra, hæc est spes in sinu pauperum servorum tuorum deposita.

**P RÆPARATIO
PROXIMA
AD MORTEM.
AD USUM CLERICORUM.
RECOLLECTIO**

Unius ex singulis mensibus diei, præparationi ad mortem proximæ accommodata.

Viva ad Sacerdotes exhortatio, usque ad divisionem
anima pertingere valens.

Moriemur tandem, Fratres charissimi; sed heu! semel dumtaxat morientur: qua hora non putamus Filius hominis veniet; post hoc autem judicium sine misericordia. In quocumque loco ceciderit lignum, ibi in aeternum erit. O fornisidabile momentum mortis, quo de summa rei decertandum est! momentum ex quo pendet totius aeternitatis causa! O res plena periculi! Equisid Fratres charissimi, si revertente Domino, non habeamus lucernas ardentes in manibus nostris? Et quid, si pulsante judge, si diebus salutis & acceptabili tempore abusi, nihil in hoc tempore malo inveniamus in manibus nostris? Tunc quidem invocabimus Deum; verum exaudiet nos? nonne potius nos meritò subsannabit?

Estote parati, nos s̄epissimè monuit; sed si maturè non sapiamus, nec novissima, dum dies est, pro-

videamus, quomodo in tam diffcili lucta præparabimus corda nostra ad nuptias, & ad pretiosam sanc-torum mortem? In illa, inquam, hora ubi infestior morbus caput debile, corpus languidum, ratio non perinde lucida, & dolores mortis non dabunt penitentia & salubrium operum locum; in illa hora, qua tot dies mali præteriti, tot gratia & salutis media in vacuum recepta, tot iniquitatis propriæ & alienæ torrentes, tot conscientia stimuli conturbabant intellectum; in illa tandem hora, ubi multa judiciorum Dei abyssus imminens, & pericula inferni nos inventientia, torquebunt cor nostrum.

Heu nobis! si Hilariones & Hieronymi, quantumvis pœnitentes & ad mortem semper parati, timuerunt valde in hoc tribulationis tempore; quid fiet de nobis, qui occupati erga plurima per vitam, negligimus unum necessarium, præparationem necessariam, præparationem scilicet ad mortem, & vivimus similes jumentis insipientibus quibus non est intellectus, vivimus quasi numquam morituri?

Frequentissime quidem legimus & prædicamus tremenda Dei oracula de periculis subitanæ & improvisæ mortis; videmus ubique ægrotos & moribundos super lectum doloris, quos agonizantes adhortamus, & adjuvamus ad felicem mortem; videmus defunctos in feretro, quos oscitante comitamus ad tumulum; sed heu! hæc omnia usu vilescent, & ex his parùm curamus mori quotidie, & sumere nobiscum oleum cum lampadibus in adventu sponsi; & tandem differentes de die in diem, venit mors super nos, tanquam fur, venit subito ira Dei & in tempore vindictæ disperdit nos; & morientes morte peccatorum pessima, morientes in peccato nostro, sepelimur in inferno. O socordiam nostram! O cætitatem lacrymis sanguineis deplorandam!

Eja ergo, Fratres charissimi, qui alios docemus, nos ipsos doceamus summam artem moriendi morte justorum; quapropter subinde moriamur dum vivimus; id est, moribundi quodammodo personam assumamus, dum adhuc integræ sunt corpori animo que vires: voluntariè sacrificemus Domino, qui hilarem datorem diligit; agamus nunc quæ faciemus, aut facta volemus jam morituri, quia nimis facile occurrint morienti quæ vivens amavit & libens exercuit; at non facilè præstò sunt, & sapida remedia, quorum per vitam exigua cura fuit vel memoria.

Nos vero, gens sancta, gustemus, dum sani sumus & incolumes, exercitia ad beatam mortem perutilia, iisque, singulis mensibus, semel incumbamus libenter. Omnia tempus habent. Nonne sufficit tot annos ad rugas & ad fabulas convertisse? O stulti! quis nos adeò fascinat, ut excusantes excusationes, hoc breve annorum residuum Deo animæque nostræ recusemus?

Heu insipientes corde! si veritates venturi sæculi coram Christo Jesu misericorde recogitare, & hæc exercitia salutaria gustare nolimus, illas & hæc, spiritu gementes, & desperatione acti, in æternum recogitabimus in crudeli amaritudine animæ nostræ, quod avertat Deus.

Misereamur ergo animæ nostræ; jam hora est nos de somno surgere: ecce Dominus adest & vocat nos, ducit nos in istam formosam solitudinem, ut loquatur ad cor nostrum, ut ibi spiritu intelligentiæ nos repleat, renovet nos spiritu mentis nostræ, mutet in alias viros, & ut ad beatam mortem & viam pacis pedes nostros dirigat. Festinemus ingredi in illam requiem, audituri & docibiles facturi quid loquetur in nobis Deus. Mors nostra poterit quidem esse repentina; ipso tamen propitio, non erit improvisa.

PRÆPARATIO

Ad recollectionem unius ex singulis mensibus diei.

1. Necessarium est ab omnibus objectis mentem & cor distrahere, & à curis etiam licitus se segregare.

2. Juvat locum solitarium eligere, mortis imaginem præ oculis habere, eorumque, & aliorum sensuum sacerdotibus ostium claudere, ut cum solo Jesu in silentio conversans, audire & gustare possis quid loquatur in te Dominus Deus.

3. Quamvis præcipuus hujus recollectionis fructus sit seria ad mortem præparatio, expedit tamen, ut institutas pugnam contra quasdam inclinationes quæ sunt origo aliarum imperfectionum, & viitorum.

4. Memineris necessarium esse ut habetas desiderium efficax tuæ perfectionis, dicens ex abundantia cordis: *loquere Domine, quia audit servus tuus. Stude & tu, ut ex fructibus tuis cognoscaris sincè velle tuam perfectionem & beatam mortem.*

5. Fideliter observa omnia hujus recollectionis exercitia, eorumque methodum & ordinem, nec reputes leve quod ad tuam perfectionem conducere potest. Verum quamvis hic quæplurima tibi præfigamus exercitia, ea tamen elige quæ tuo statui, tuæ devotioni, & divinæ illustrationi magis congruent.

6. Quod ferventius huic recollectioni incumbas, cogita hanc occasionem, quam Deus tibi offert, esse fortasse postremam; quapropter eodem fervore & animo eidem incumbe, ac si sub finem illius diei moriendum tibi esset.

7. Cogita beatam mortem, salutem, & perfecti nem tuam esse opus Dei misericordis; quapropter enixi postula ejus auxilium, visita in eum finem Christum Dominum in Eucharistia, invoca etiam

Sanctorum patrocinia, præsertim beatæ Virginis, Angeli Custodis, S. Joseph, ut eorum præsidili animam tuam ad hæc salutaria exercititia & beatam mortem præpares.

Tandem per vigilio recollectionis, & post vesperinam orationem hæc tecum animo recogita.

REFLEXIONES

De morte, & de ejus circumstantiis.

I. Adhuc vivo; sed tandem moriar: hoc statutum est. Paucitas dierum meorum, qui præteriri non possunt, finietur brevi. Uno tantum gradu ego morsque dividimur; quid enim est vita mea, nisi ventus, & vapor ad modicum parens? De me ergo brevi dicetur quod & de aliis: *mortuus est.*

Quid sentiam in hora mortis de concupiscentia carnis, de concupiscentia oculorum, de superbia vitæ, de hac fascinatione nugacitatis quæ obscurat intellectum, & quæ dicit ad perditionem? Heu! in illa die peribunt cogitationes meæ. Quid sentiam tunc de simplicitate Justorum, & de via arcta quæ dicit ad vitam! Numquid eam deridebo?

II. Quandonam moriar? nescio; moriar qua hora non puto: ergo revocari & mori possum in dimidio dierum meorum, cras, hac nocte.

Attamen meum non est nosse tempora vel momenta quæ Pater posuit in sua potestate: latet mihi ultimus dies, ut omnes observem dies. Meum ergo est redimere tempus, quia dies mali sunt, & laborare dum dies est, quia venit nox, in qua non potero operari. Meum est vigilare, attendere, & omni hora esse paratum: verum sum paratus? Heu mihi! si nunc animam meam repeterent à me, ubi parerem?

quod irem? Timor & tremor veniunt super me, & conturbata sunt omnia ossa mea.

III. Cunctis diebus quibus nunc milito, expecto donec veniat immutatio mea; jam spiritus meus attenuatur, dies mei breviantur, & solùm mibi superest sepulchrum: ero quasi non essem, de utero translatus ad tumulum; hæc domus mea erit, ibi pater meus, mater mea & proximi mei dereliquerunt me. Ecquid si Dominus animam meam non assumpserit? Ibi ero intuentibus horror, verium corrodentium esca; ibi pelli meæ, consumptis carnibus, adhæret os meum; illic tandem in pulverem reversus, oblivioni dabor tanquam mortuus à corde.

Cui tamen hucusque servivi! Ah! Domine Jesu, non tibi, sed huic ventri, quasi Deo; huic mortis corpori quod aggravat animam; huic foetido sterco; huic infensissimo hosti æternam mihi mortem minanti; scriptum est enim: *si secundum carnem viveritis, moriemini.*

IV. Statim post mortem, in ictu oculi, me manifesteri oportet ante tribunal justi judicis, redditurus rationem villicationis meæ, rationem de omni verbo otioso, rationem ipsiusmet justitiae & sanctitatis meæ. Judge ille vivorum & mortuorum, qui scrutatur renes & corda, statuet me contra faciem meam: numquid potero respondere ei unum pro mille?

V. Post judicium strictè factum, recipiam, prout gessi in corpore meo, sive bonum, sive malum. Numquid recipiar in aeterna tabernacula? An deletus de libro viventium, descendam in infernum, habitatus cum igne devorante, cum ardoribus semipiternis? In hanc tamen, vel illam æternitatem cadam necesse est. In manibus Dei sortes meæ. Heu, heu! hæc animo cogitans tribularer, nisi recogitatem misericordias Domini.

VI. Attamen quamvis ex pretiosa & ex pessima morte pendeat vel beata vel infelix æternitas, quid hactenus feci, ut ad mortem essem semper paratus? O si Deus Judæ proditori aliquot salutis dies concederet, ut ex hoc tormentorum loco liberaretur, quos fructus poenitentia dignos faceret? Nonne hoc acceptabile tempus plenissimè transigeret? Ipse Deus propter nimiam charitatem suam concedit mihi, licet indigno, hos salutis dies; sed heu! ingratus & inutilis homo nondum cognovi tempus visitationis meæ. Quadragesima annis, quibus proximus mihi fuit, vocavit me ad poenitentiam, ad scientiam Sanctorum; sed infelix ego homo semper renui, semper erravi corde: si nunc ergo peccatorum gravitate onustus, & meritis vacuus morerer, nonne me in æternum projiceret Deus? Quo usque divitias bonitatis ejus contemnam? Si dum tempus habeo, & diū dies est, bonum non operor, nonne tandem, vindice Deo, veniet nox, in qua nihil operari potero? Sed in me reversus dico sicut homo bona voluntatis: nunc cœpi; hæc mutatio dexteræ Excelsi.

His animo serio recognitatis, & in corde altè fixis, somnum advoca.

EXERCITIA

Pro ipsa recollectionis die.

ORDO DIEI.

Hora 5. Surges.

Semiquinta, Oratio, meditatio, Prima & Tertia.

Hora 7. Præparatio ad confessionem totius mensis præteriti, & ad Missam aut Communionem.

Hora 9. Dispositio testamenti, Sexta, & Nona, prandium & recreatio.

Hora 1. post meridiem, examen particulare, Ro-

sarium, & consideratio de angustiis in hora mortis.

Hora 2. Vesperæ, Completorium, acceptatio mortis, actus religionis, & aliqua pro defunctis oratio.

Hora 3. Meditatio, Matutinum officium pro crastina die.

Semiquarta. Consideratio ad crucifixum, aspirations ad felicem mortem postulandam, spiritualis administratio Extremæ unctionis, protestatio, & visitatio Sanctissimi Sacramenti.

Post cœnam & recreationem, commendatio animæ, scriptio fructus recollectionis, & lectio documentorum pro eo conservando.

MONITA SALUTIS.

Ubi primum expurgisceris, cogita Angelum percussentem, jubente Deo, te sic alloqui & monere: dispone domui tuæ, morieris tu; hac nocte animam tuam repetent à te; tempus non erit amplius, ecce venit citò judex, jam pulsat.

Hoc fervoris stimulo excitatus, da operam ut particula hujus boni diei quam fecit tibi misericors Dominus, non te prætereat, ita ut intiens vesperi lectum, sis ad mortem paratus.

M E D I T A T I O

De pessima pravorum Sacerdotum morte.

Quid frequentius quam videre per vitam, Sacerdotes parù sapere, nec novissima providere, apponentes quotidie iniquitatem, aut sa' tem repentes humi; Sacerdotes vix curantes ad cor interdum redire, & thesaurizare sibi thesauros in cœlo; Sacerdotes opus Dei negligenter facientes, & justorum simplicitatem, ipsumque Deum deridentes?

Sed heu! ubi primum instat tempus resolutionis,

vix intonantur ista formidolosa verba: *dispone domum tuæ, morieris tu: proficisci de hoc mundo;* tunc præ angustia spiritus gementes, dicunt in corde suo, timore horribili turbati; *ò quam durus nuntius ad me hodiè missus est!* heu mihi! nunc reminiscor malorum quæ feci, nunc millia peccata occulta & aliena, quibus communicavi, millia monstra, quæ lovebam in sinu meo, insurgunt in me, cor meum torquentia; nunc video hoc mare magnum & spatiolum maribus, illuc reptilia quorū non est numerus. Væ mihi! me ipse decipiens dicebam: pax, pax; nunc heu! non est pax ossibus meis à facie peccatorum meorum! *ò miserum me!* nunc undique mihi sunt angustiae, nomen habui quid vixerim; nunc autem video quia mortuus fui coram oculis Domini: *ò insensate!* ergo erravi; quæ fascinatio obscurabat intellectum meum? Quæ me malitia exæcabat?

O si in pauca fidelis fuisse! *ò si divina mysteria sancti tractavisse!* *ò si vanitatem gravi corde non dilexissem, & mendacium non quæsissem!* *ò si zelans zelum Dei & animarum, diligenter atten-dissem mihi & universo gregi!* sed, proh pudor! proh dolor! plantatus in domo Domini, terram sanctorum frustrè occupavi! Jesu Christi sanguis, cuius reus factus sum, nunc exquiritur & clamat vindictam; ejus misericordiam servire feci iniquitatibus meis, nunc heu! desperationis turbine me jactatum sentio.

O si ex hac infirmitate recrearer! *ò si adhuc habere dies salutis & acceptable tempus, quam alacriter & peccata, & dies malos redimerem!* sed vae mihi! perit desiderium meum, quia tempus non erit amplius: ecce ego morior, jam incido in manus Dei viventis, jam pericula inferni inveniunt me: *ò in quantum tribulationem deveni!* heu, heu! Si Sanctissimi viri, & Pastores juxta cor Dei timuerunt val-

dè in his angustiis , ubi parebo ego servus nequam ?
Hæc & alia recogitans pravi Sacerdotes in interitu suo , in quo ridentur & subsannantur à Deo , quem in sanctuario ejus exacerbaverunt per vitam ; tunc irascuntur , fremunt , tabescunt , judici pulsanti aperire , de corpore exire trepidant , & videre eum , quem contempsisse se meminerint , judicem formidant : sed heu ! morientur tandem inviti , & fortasse morte peccatorum pessima .

Sed & ego , qui hæc meditatus sum , quid egī per totam vitam ? quid ago ? Nonne mihi thesaurizo has amaritudines & angustias , quæ , Deo vindice , in hora mortis conturbabunt me ? Ecquando tamen maturè sapiam , ac novissima providebo , faciendo omnia bona quæ facere possum ? Si velim pretiosa Sanctorum morte mori , cur dūm tempus habeo , non sequor viam justorum ?

O Jesu mi ! hoc est ante omne desiderium meum : sed ò bone Jesu ! ò Jesu refugium meum ! patientiam habe in me , ne revokes me in dimidio dierum meorum : diuitte ergò me , antequām vadā ad terram tenebrosam & opertam mortis caliginē , ut plangam paululum dolorem meum , ut redimens peccata , & dies malos præteritos , præveniam tribulationes cordis mei , quæ in hora mortis multiplicarentur super me , dies plenos amaritudine , & omnia reddam tibi .

O Jesu auxiliū mei , qui operaris in nobis velle & perficere pro bona voluntate ; adjuvā me , ut perseverans usque in finem , accipiam coronam vite .

In his esto charissime Frater , & quoniam hodie audiſ vocem Domini , qui ſpatium veræ pœnitentia , & latet mortis tibi concedit , noli obdurare cor tuum : in brevi enim exardesceret ira ejus , & in furore ſuo conſurbaret te ; ſcito quia in hora mortis gloria tua hæc

erit , testimonium bone conscientiæ , quod in simplicitate cordis & sinceritate Dei , & non in sapientia carnali conservatus fueris in hoc mundo : hanc ergo bonam conscientiam tibi modis omnibus concilia .

ALIA MEDITATIO

De stricto in pravos sacerdotes iudicio .

I. *Vix anima de corpore egressa est , cùm in ictu oculi eam manifestari oportet ante tribunal Justitiae divinæ . Illic Dominus Jesus , qui constitutus est à Deo Iudex vivorum & mortuorum , qui scrutatur renes & corda , & qui in Angelis reperit pravitatem , scrutabitur Jerusalem in lucernis , manifestabit consilia cordis nostri , fodiet parietem , ostendet abominationes pessimas , gravissima peccata occulta , & aliena tamquam minutula per vitam reputata ; quinimō omne verbum otiosum quod locuti fuerimus , de eo exiget rationem in die iudicii .*

Credo hoc ? credo quidem , & tamen heu ! non ſolum de peccatis præteritis pœnitentiam agere , ea que redimere recuso , verū etiam multiplico iniquitates super capillos capitis mei . Monstruosa delicta nihil facio ; thesaurizo mihi iram Dei . O vana fides mea ! O dæmonum fides !

II. Præterea durissimum his qui præſunt iudicium fiet ; anima pro anima exigetur : & quis est ille pætor qui resistat vultui meo , dicit Dominus exercituum ?

Grande periculum ! ecquid ego de factis alienis reddam rationem , ego qui pro meis non sufficio ? (a) Ovium sanguis de manu requiretur mea ? Certum hoc ſcio , id ipsa veritas attestatur ; hoc ſcio , & ac-

(a) S. Thomas.

Preparatio proxima

curatilius non vigilo? O idolum pastoris, ò cæcus speculator! Quid ergo miser cogito?

III. Quid plura? cum accepero tempus, inquit justus judex, ego justias judicabo; examinabuntur enim bona, qua intentione facta, quo fervore, quo modō: undē fit ut Job vereretur omnia opera sua, sciens quod Deus non parcat delinquenti.

Heu mihi! jam me ipse in statera appendens, inferior minus habens, miser & miserabilis, imperfектum operum meorum vident oculi tui, Domine Jesu, & illud in libro tuo scribis; unde quāmvis vir divitiarum appaream, tunc in furore tuo confiteberis mihi non novi te; hoc mihi minaris, & adhuc non vereor opera mea? Non studeo esse fervens spiritu? & adhuc vivo?

IV. Tandem, cui multum datum est, multum quæretur ab eo.

Quid ergo respondebo ego sacerdos, qui aquas Salvatoris sæpiissimè haurio, de plenitudine ejus accipio, ipsumque Dominum, gratiarum fontem, quotidie manduco? Scio insuper bonum & malum, omnia quæ accepit à Patre Dominus Jesus, mihi nota fecit.

Heu tamen! quot bona turpidè omissa, quot gratiae in vacuum receptæ, quot talenta in terra abscondita? Quid respondebo per totam vitam inutilis, quando tot gratiae, sanguinis Agni immaculati pretium, exquirentur, & vehementius clamabunt vindictam quam sanguis Abel? Quid verò audiam, nisi hæc tremenda nimis verbæ? discede à me, serve inutilis, operari iniquitatis; in terra Sanctorum initia gessisti, non vidabis glorum Domini, discede à me in ignem æternum.

O anima mea, si hæc audiens & meditans, non surgas de somno, non dormis, sed mortua es: ubi te abscondes, misera à vultu iræ ejus? Quæ est tamen

ad mortem.

nunc expectatio tua, nisi judicium sine misericordia? quam tunc habebis allocutionem? Responde.

Domine Jesu, scio verè quod ita sit, & quod non justificetur homo compositus Deo: si voluerit contendere cum illo, non poterit ei respondere unum promille. Qui si habuero quidpiam justum, non respondebo, sed judicem meum deprecabor, quia quasi panus menstruatæ universæ justitiae mæ; & va laudabili vita, si, remota misericordia, discutatur! *S. Aug.* Eja ergo Domine Jesu, non intres in judicium cum servo tuo: confige timore tuo carnes meas: volo ex nunc tuum prævenire judicium; quapropter contra meipsum armabor, & ero præ cæteris crudelior mihi & severissimus judex; & hoc faciens per singulos dies, stabo cum fiducia ante tremendum tuum tribunal: adjuva me Deus salutis mæ.

Hanc tene disciplinam, charissime Frater, initium sapientiae timor Domini; ò nimis beatus, si semper es pavidus! In omnibus consiliois, propositis, & operibus tuis, dicio tibi, si modò moriturus essem, & manifestari me oporteret ante tribunal supremi iudicis, facerem istud? Quid ille sentiret de hoc opere? Quid ego ipse sentirem? Ergo ante omnia opera tua verbum verax præcedat te, & nihil agas quod conscientiae rectoque Dei iudicio non sit consentaneum; quæ magna securitas, ubi periclitatur æternitas?

P RÆPARATIO

Ad Confessionem totius mensis præteriti.

REFLEXIONES

De statu conscientiae, & præcipue de muniis proprii status.

Notandum, has Reflexiones sigillatim sumptas posse

suppeditare Clericis materiam aliquantulum medi-
tandi singulis mensis diebus, & toto anni decursu.
Pastoribus juxta cor Dei id expertis, crede charis-
sime Frater: sed saltem in hac recollectionis die me-
ditare puncta quæ magis ad te scripture noveris; in
bis esto: statue te contra faciem tuam, dijudicans
te ipsum ut severissimus iudex, ut non judiceris in
novissimo die. Siste ergo gradum, Viator.

REFLEXIO I.

Generalis annorum recognitatio.

Plantatus sum in domo Domini, ut floream sicut li-
lum, & multiplicer sicut cedrus Libani; in sortem
eius vocatus sum, ut sim sanctus, quia ipse sanctus est,
& ut adhuc in dies sanctificer, quamvis sanctus sim.

Attamen, tot abhinc annis quibus terram Sancto-
rum occupo, quomodo vixi? Quos fructus sanctitatis
feci? Quomodo vivo? Contendo viriliter esse perfec-
tus, sicut Pater cœlestis, cuius mysteriorum dispen-
sator sum, perfectus est? Sum ad pretiosam in cons-
pectu Domini mortem paratus? E contrâ, nonne
cum doctrinis meis carne volutor & sanguine? Nonne
de die in diem ipsis laicis deterior fio? Proh pudor,
quanta geminitum abyssus, quantas mortis se-
cundæ timor! Confusio faciei meæ cooperit me.

Domine Jesu! quid me vis facere, ut placeam tibi
in regione vivorum? notam fac mihi viam in qua am-
bulem, quia ad te levavi animam meam; tu es via & vi-
ta animæ meæ, tu es auxiliator meus, auxiliator fortis.

REFLEXIO II.

*Horror peccati mortalis, præsertim superbiæ,
luxuriæ, & avaritiæ.*
Clerici, ut potè ministri Christi, & dispensatores

mysteriorum Dei, debent quasi à facie colubri fuge-
re peccatum; ipsi siquidem sciunt bonum & malum,
sunt quodammodo Dii, & verè filii excelsi omnes, de
plenitudine Christi accipiunt; vos autem, de Sacerdo-
tibus queritur Dominus, vos autem irritum fecistis
pactum meum. Si inimicus meus maledixisset mihi, sus-
tinuissem utique; tu verò homo unanimes: dux meus
& notus meus, qui simul mecum dulces capiebas ci-
bos! Prob abominatio! cognoscis voluntatem meam;
hanc tamen non facis, serve nequam, quinimò pol-
luis sanctuarium meum; ò quād multis in hac & al-
tera vita vapulabis! prob desolatio!

Verum quale est cor meum contra peccatum mor-
tale, præsertim contra superbiam, luxuriam, & avari-
tiam? Propter hæc tria peccata stat abominatio de-
solationis in loco sancto.

Quæntò major sum, tantò magis me in omnibus
humiliare debo: quid habeo quo non acceperim?
si autem accepi, quid gloriör, quasi non acceperim?
Heu! ex eo quod multum mihi datum sit, multum
quæretur à me: non habeo de me nisi peccatum &
mendacium; (a) nonne tamen cogitatione, verbo, &
opere superbio, terra & cinis? Nonne præ tumore
cæteros interdum aspernor? Si lætor ad ascensum,
cur non timeo ad fœdiorem lapsum? (b) Sed heu!
nonne me exaltans, quamvis elegerim abjectus esse
in domo Dei mei, horrendius humiliabor? Nonne
potentior potentius tormenta patiar? Nonne homini-
bus placere quærens, confundar & spernar à Deo?
Absit. Ecquando ergo discam esse humilis corde? Ec-
quando amabo nesciri & pro nihilo reputari? (c) Ad
hanc internam humiliatem me impellit humiliatio
mea, quæ est in medio mei; quid enim fui? qui sum?
quid ero?

Preparatio proxima

Præterea nonne imprudens à spiritu immundo me coinquinari, & ab Angelo Satanae me colaphizari & possideri sino, dans ei locum, & reputans ut parum quod non est parum? Hoc vitio parvitatem materiæ non admittente, periclitatur genus humānum; (a) nonne hoc foetido vitio periclitior ipse quotidie? Ecquando à dextris, & sinistris armatus, contendam esse sanctus corpore & spiritu, & sequi Agnum quicunque ierit?

Tandem nonne studens avaritiæ, incidi in laqueum Diaboli? Quo fine impleo ministerium meum? con-grego & congregata conservo? Accipere temporale præcisè pro aliqua functione spirituali species simoniæ est. (b) Nonne sic loculus habens, fur & latro sum? Nonne ut mercator pessimus clamare videor cum Juda: quid vultis mihi dare, & ego eum vobis tradam? Quoties saltem ob inopia timorem, justiam desero, & quasi egentium necator sum? Quoties propter avaritiam implicui me negotiis sacerularibus, litigiosorum & procuratorum personam gessi; quamvis hæc omnia militantibus Deo prohibeantur? Quomodo mammoneæ serviens, liberè servirem Deo meo? Nonne ubi thesaurus meus est, ibi est & cor meum? Verùm ò stulte! quæ paravi & paro, cuius erunt? Nonne hæc pecuniæ, quibus inhio, erunt mihi in perditionem? O quam amara mihi erit mortis memoria pacem habenti in substantiis! Nonne tandem mortuus dives, sepelier in inferno?

Sed infelix avidus ego homo! si Dominus est pars hæreditatis meæ, quidn sufficit mihi? Nonne tamquam nihil habens, omnia possiderem? O quam liber & lætus morerer!

(a) *S. Greg.* (b) *S. Thom.*

*REFLEXIO III.**Intemperantia in victu & vestitu.*

Sobrios esto, monet Apostolus: habens alimenta, & quibus tegaris, bis contentus sis.

Nonne tamen gravari sino cor meum crapula & ebrietate? Quinimò nonne Deus meus venter est? Nonne vanitatem in vestitu, supellectili, & in reliquo vitæ genere præ me fero? (a) Ita sanè; hoc ad verecundiam meam & flens dico. Scio quia Christus Dominus, cujus minister sum, cùm dives esset, propter me egenus factus est, non habuit diversorum, nec ubi caput reclinaret, jejunavit, sitivit, esuriit, felle & aceto potatus est: hoc scio, hoc prædico; quo ergo jure imagini ejus adeò dissimilis, me prædestinatum spero?

*REFLEXIO IV.**Detractio.*

Detractores Deo odibiles. *Abominatio hominum detractio. Nolite ergo detrahere alterutrum.*

Quoties tamen, ex eo, quodd Sacerdos sim, mihi jus vindico detrahendi fratribus meis? Proh scelus! quoties lingua mea sanguine Christi adhuc rubescens, dolos concinnavit adversus fratrem meum? Proh pudor! quoties erubescens Evangelium, & hominibus placere quærrens, non habui redargutiones in ore meo, nec detrahentem secretò proximo suo hunc persecutus sum? O idolum charitatis meæ! Quare? quia vera charitas operit multitudinem peccatorum: nonne ergo vana est mea religio? Ecquando linguam meam,

bunc ignem, hunc gladium acrum, hancque malorum universitatem refrænabo? Ecquando linguam detrahentium domare contendam? Nonne quod mihi facere volo, aliis facere debo?

REFLEXIO V.*Via spatiosa.*

Observare debo ea quæ à sanctis Pontificibus, & à sacris Conciliis, de venatione clamosa & frequenti; de luxu, commissationibus, choreis, aleis, lusibus, ac quibuscumque criminibus, necnon de secularibus negotiis fugiendis, copiosè ac salubriter sancta sunt non obstantibus consuetudinibus. (a)

Sed si hec non observem? ergo sequor viam spatiosam. Verum quò me ductura est hæc spatiosa via? ad perditionem. Hæc sunt verba Christi: *cælum & terra transibunt, verba autem mea non præteribunt.* Si Dominus est, cur eum non audio: cur eum non sequor? Nonne me tandem pudebit huic sæculo, cui in baptismate, & in sacra Unctione renuntiavi, conformari? Heu! heri cathecumenus, hodiè Sacerdos; heri in cito, mane in altari, (b) Undè hoc monstruum? Numquid respiciens retrò, aptus ero ministerio verbi, & regno Dei?

REFLEXIO VI.*Familiaritas cum Laicis.*

Abstinere jubeor à nimia Laicorum familiaritate; (c) & ab eorum frequentiori convivio, quia valde honestatem dedecet clericalem, ipsorumque Clericorum facit vilescere autoritatem. (d)

(a) *Trid. Ses. 22. de Ref. c. 1.*(b) *S. Hier.* (c) *Conc. Aquil.* (d) *Conc. Raven.*

Quid est ergo cur ministerium meum turpiter vituperari sino? Cur non frequento pastores juxta cor Dei, & Clericos boni testimonii viros, & qui potentes in opere & sermone trahunt post se? Cur in odorem illorum virtutum non curro? Nonne eas fastidio? Nonne tamen ex hoc odore effloresceret super me sanctificatio Dei mei? Scriptum est enim: cum Sancto Sanctus eris.

Sed quamvis cum hominibus converser, estne tunc in cœlis conversatio mea? numquid in conversatione Sanctus sum? Nonne potius, ut iniqui, narro fabulations, sed non ut lex Dei? Verum decetne Santos stultiloquium, aut scurrilitas? deestne in multiloquio peccatum?

REFLEXIO VII.*Peccatum veniale.*

Peccatum veniale contristat Spiritum Sanctum; quid mirum si diligenter Daminum, oderint hoc malum? *Levia delicta, quæ in Laicis levia sunt, in Clericis sunt maxima;* (a) & nugæ in ore Laici nugæ sunt, in ore Sacerdotis blasphemiae. (b) Præterea, qui modica spernit, paulatim decidet, & qui in modico ini quis est, in majori iniquus erit. Hoc ipsa Veritas pronuntiat; nos autem, quod videmus testamur.

Quale est ergo cor meum contra peccata venialia? Nonne adhuc adhæreo huic vitiis quo tamidū labo ravi, & quod quasi aquam bibi? Quem conatum adhibui ex præterita confessione, ut illud ex corde meo extirpare? Heu! volui & nolui piger. O si Deum diligarem, nonne ab omni specie mala pro viribus me abstinerem? Ad malum quidem pro-

nus sum , & licet Sacerdos sim , circumdor tamen infirmitate ! septies in die cadit ipse justus . Sed quot peccata venialia ex deliberata scientia , & plena voluntate committo ? Quoties reputo tamquam leve quod quidem veniale est plebi , sed quod criminale est Sacerdoti ? Quoties culpae meae propter contemptum , aut scandalum , &c. de parvis magna factae sunt ? (a) Abyssus siquidem abyssum invocat . Quoties heu ! malitia mea excæcatus , & in falsam conscientiam imprudens lapsus , dixi in corde meo : pax , pax ? Dominus autem , qui intuetur cor , & qui secundum iudicat , dixit : non est pax . O quantæ tenebrae ! Delicta quis intelligit ?

O summe scrutator cordium ! paveo , tabesco & fremo in memetipso ; ab occultis meis munda me Domine : cor mundum crea in me Deus ; malo mori , quam födare animam meam vel minimo peccato ; sed & tu , qui es fortitudo mea & firmamentum meum , custodi animam meam , quoniam sanctus sum . (b) Viriliter agam ego , ut spiritum non amplius contristem ; tu scis Domine quia amo te plus quam me .

REFLEXIO VIII.

Vita tepida.

Habeo adversus te quod charitatem tuam primam reliquisti , dicit Dominus ; memor esto itaque unde excederis , & age pœnitentiam ; sin autem venio , & movebo candelabrum tuum de loco suo , nisi pœnitentiam egeris . (c) Scio opera tua : nomen habes quod vivas , & mortuus es ; esto vigilans & confirma cetera , quæ moritura sunt : non enim invenio opera tua plena corram me . In mente ergo habe qualiter acceperis & audieris , & serva & age pœnitentiam . Si ergo non vi-

(a) S. Greg. (b) Psalm. 85. v. 2. (c) Apoc. 2. v. 5.

gilaveris , veniam ad te tamquam fur , & nescies quæ hora veniam ad te . Utinam frigidus essem aut calidus ; sed quia tepidus es , & nec frigidus nec calidus , incipiam te evomere ex ore meo . (a)

Ad quem , o Domine Jesu , ad quem spectant hæc formidolosa verba ? cui imminet hæc tremenda nimis sententia ? ad vos , o Sacerdotes , qui despiciatis nomen meum , dicit Dominus exercituum . Qui legit intelligat . Sed & ego Sacerdos , qui huic sæculo conformor , qui vix operor bonum , qui opus Dei perfunctorie & negligenter facio , qui peccata venialia quasi aquam bibo , quique exercitia spiritualia statui meo congruentia fastidio , nonne hanc jure merito timere debeo sententiam ?

Insuper tepidi Sacerdotes difficile corriguntur , sive quia gratia speciali propter animi temporem atque ingratitudinem , relicto sufficient auxilio , desituntur , sive quia hunc languidum statum miseri ignorant , sive quia omnia vel utilissima remedia usu vilescent . Nihil impossibilis quam corrigerem eum qui omnia scit : (b) pessima ergo eorum plaga , & curationum utilitas in eis non est .

Cujus est imago hæc ? nonne mea ? Revera ego sum ille vir tepidus , & inutilis servus jamjam ex ore Dei evomendus , & in tenebras exteriores projiciendus . Heu mihi ! Præpotens vox Domini confringentis cedros Libani , non frangit nec emollit duritiam cordis mei , nec ipsa mors peccatorum pessima , nec judicia Dei abyssus multa , nec ipsa inferni pericula mibi imminentia , nec ipsi Salvatoris fontes : nihil horum me movet , nihil ad pœnitentiam excitat ; quomodo ergo effugiam à judicio gehennæ ?

O insensæ ! Domino serviens , incepseram olim

(a) Ibid. c. 3. (b) S. Chrys.